



Province of the
EASTERN CAPE
EDUCATION

**NATIONAL
SENIOR CERTIFICATE**

KEREITI YA 11

PUDUNGWANA 2013

**SESOTHO PUO YA LAPENG P3
MEMORANTAMO**

MATSHWAO: 100

Pampiri ena e na le maqephe a 9.

KAROLO YA A: MOQOQO: BOKGONI:

1. **Ho bala le ho boha.**
2. **Ho ngola le ho nehelana.**

POTSO YA 1

- 1.1 **HO TSAMAYA O FADIMEHILE HO A THUSA KA MEHLA.**
Moqoqo wa phetelo

- Moqoqo ona wa phetelo o pheta pale ka diketsahalo tse etsahalang.
- O ka ngola ka ho hlaha lehlakoreng lefe kapa lefe.
- Pale e lokela ho ba ketane ya diketsahalo, mme e be diketsahalo tse kgolwehang le ha di thehilwe hodima kgopolotaba.
- Hangata moqoqo wa phetelo o ngolwa lekgatheng le fetileng.
- Dintlha di ngolwe ka tlasa dipatlisiso tse matla mme di tshehetswe ke bopaki le dipalopalo.

[50]

- 1.2 **Tadima setshwantsho. Sehlooho seo mohlalobuwa a iqapelang sona.**

- Moqoqo ona e ka ba wa mofuta ofe kapa ofe.
- Moqoqong ona mohlalobuwa o sheba setshwantsho mme a hlalose seo a se boneng ho dumella mmadi ho itemohela sehlooho se hlalolang kapa seo a phetang ka sona ka tsela e hlakileng.
- Ho ka hlalosa motho kapa ho itseng.
- Moqoqo ona o ka ngolwa ho tswa lehlakoreng lefe kapa lefe.
- Dikahare tsa moqoqo ona di itshetlehile ka mehopollo e qholotswang ke setshwantsho.
- A bue ka ho hong kapa mathata ao a a hopotswang ke setshwantsho seo.

[50]

- 1.3 **HA NKA KGETHWA HO BA MODULASETULO WA MOKGATLO WA BAITHUTI SEKOLONG.**

Moqoqo wa boimamelo

- Moqoqong ona mohlalobuwa o ntsha maikutlo a hae ho ya ka moo a neng a bohile maemo a ditaba ka teng.
- Karolo e kgolo ya moqoqo e ka ba tsela e hlalolang.
- Mehopollo e pepeswang e lokela ho hlalosa nnete mme e bontshe ho ba le seabo ha mongodi.
- Maikutlo a bapala karolo ya bohlokwa.
- Ho lebelletswe tlhahiso ya diphoso tseo.

[50]

1.4 PHEDISO YA MEKGATLO E KADIMANANG KA DITJHELETE

Moqoqo o pepesang

- Ona ke moqoqo o pepesang dintlha kapa tlhahiso leseding ka tsela e utlwahalang.
- Ona ke moqoqo wa dintlha oo ho ona mongodi a hlalosang dintlha ka tsela e otlolohileng e bontshang tatellano.
- Moqoqo o pepesang dintlha o ngolwa ka tlasa dipatlisiso tse matla.
- Dikahare tse lebelletsweng ke tsa hore: ke dife ditlamorao tse tliswang ke ho kadima tjhelete e tswalang.

[50]

1.5 LEO E BILE LETSATSI LE BOSULA KA HO FETISISA.

Moqoqo o hlalosang

- Moqoqong ona mohlahlobuwa o hlalosa ho hong ho dumellang mmadi ho itemohela sehlooho a se hlalosa ka tsela e hlakileng.
- Ho ka hlaloswa motho kapa ho hong ho itseng.
- Dikahare tse lebelletsweng di hlahisa mathata a hlahileng le se a bakileng.

[50]

1.6 MOAPARO WA SEKOLO O BAPALA KAROLO YA BOHLOKWA HO BAITHUTI.

Moqoqo wa kang

- Mohlahlobuwa o lokela ho bontsha ntlhakemo ya hae kapa mohopolo o itseng.
- O lokela ho hlahisa lehlakore leo a le ntshetsang pele mme a tshehetse le ho sireletsa lehlakore la hae.
- Ntlhakemo ya mongodi e lokela ho hlaka ka nako tsohle.
- Moqoqo ona ke o kgethang lehlakore, oo mongodi a lokelang ho susumetsa mmadi hore a dumellane le yena ntlhakemong ya hae.
- Dikahare di hlahisa tsela eo diketsahalo di etsahalang ka yona.

[50]

1.7 TADIMA SETSHWANTSHO. Sehlooho seo mohlahlobuwa a iqapetseng sona.

- Moqoqo ona e ka ba wa mofuta ofe kapa ofe.
- Mohlahlobuwa o sheba setshwantsho mme a hlalose seo a se bonang ho dumella mmadi ho itemohela sehlooho se hlalotswang kapa seo a phetang ka sona ka tsela e hlakileng.
- Dikahare di hlahise mohopolo ofe kapa ofe oo moithuti a ka qoqang ka ona.

[50]

1.8 SE TSHABE HO BA LE DITORO.

Moqoqo o sa tshehetseng lehlakore.

- Mofuta ona wa moqoqo ha o nke lehlakore mme sepheo sa ona ke ho nehelana ka maikutlo a lekaneng mahlakoreng a mabedi a kang.
- Mohlahlobuwa a lekole mahlakore a fapaneng a sehlooho se hlalolang ebe o nehelana ka dintlha tse hanyetsanang a sa tshehetse lehlakore lefe kapa lefe.

[50]**MATSHWAO OHLE A KAROLO YA A: 50****KAROLO YA B: DITEMA TSA KGOKAHANO TSE TELELE: BOKGONI:****1. Ho bala le ho boha.****2. Ho ngola le ho nehelana.****POTSO YA 2****2.1 LENGOLO LA SEMMUSO**

- Diaterese tse pedi (ya mongodi le ya mongollwa)
- Ditumediso
- Sehlooho sa ditaba
- Ditaba
- Phethelo
- Puo e be e hlakileng mme mongodi a tobe taba

[25]**2.2 OBITJHUWARI**

Ena ke tema eo ho yona ho ngolwang ditaba tsa mofu. Dintlha e be tse latelang:

- Mofu ke mang
- Tlhaho ya hae
- Tsa kgolo ya mofu
- Tsa lefu la hae
- Bao a ba siyang
- Seboko sa habo

[25]

2.3 PUO (Ho ngola puo)

- Puo ya hao e be polediso ya bohlae, e matla e tla hohela ditsebe tsa bamamedi.
- Hlophisa le ho hlahlamisa dintlha tsa hao ka boqhetseke.
- Sebedisa dipolelo tse kgutshwane mme mehlala le dipolediso tsa bonono tse sa tlwaelehang ho natefisa puo di hlahelle.
- Bua dintlha tsa nnete, tse sa tswakanang le mashano.

[25]

2.4 RAPOROTO (Tlaleho)

Raporoto ke tlaleho ya ketsahalo e itseng e etsahetseng mme e lokela ho ba le dintlha tse latelang:

- Motho/batho bao raporoto e lebiswang ho bona
- Sehlooho sa raporoto
- Ditaba/dintlha tseo ho tlalehwang ka tsona
- Mokgwa wa tshebetso
- Diphumano
- Diqeto
- Ditshisinyo
- Tlaleho e itshetlehe koduweng eo

[25]**MATSHWAO OHLE A KAROLO YA B:****MATSHWAO OHLE A PAMPIRI ENA:****100**

KAROLO YA A: RUBURIKI YA HO LEKANYETSA MOQOQO

Makgetha a ho lekanyetsa	Kgato 7 E babatsehang 80% - 100%	Kgato 6 Phihlello e kgabane 70% - 79%	Kgato 5 Phihlello e ntle 60% - 69%	Kgato 4 Phihlello e mahareng 50% - 59%	Kgato 3 Phihlello e foofo 40% - 49%	Kgato 2 Karolwana feela 30% - 39%	Kgato 1 Ha ho phihlello 00% - 29%
MORALO DIKAHARE/ DIFUPERWEN G	Dikahare ke tse babatsehang, tsa boiqapelo; mehopollo e matla e phephetsang monahano. Moralo le/kapa mekgwaritso e qalang o hlalisa moqoqo o babatsehang.	Dikahare ke tse ntle, mehopollo ke ya bioqapelo, e tebileng mme e tsosa tjantjello. Moralo le/kapa mo/(me) kgwaritso di hlalositse moqoqo o motle haholo.	Dikahare di a kgahlisa, di momahane hantle; mehopollo e tsosa tjantjello, e a kgodisa. Moralo le/kapa mo/(me) kgwaritso di hlalositse moqoqo o motle.	Dikahare tse loketseng, tse momahaneng ho lekaneng; mehopollo e a thahasellisa, boiqapelo bo kgotsofsang. Moralo le/kapa mo/(me) kgwaritso di hlalositse moqoqo o kgotsofsang.	Dikahare di mahareng feela, momahano ha e ntle; mehopollo bohoho e a amoheleha; boiqapelo bo a haella. Moralo le/kapa mo/(me) kgwaritso di hlalositse moqoqo o mahareng feela.	Dikahare ha di a hlaka ka nako tsohle; mehopollo e seng mekae, e a iphetaka. Moqoqo o ntse o sa amohelehe kgatong ya PL, ha o a bopeha hantle.	Dikahare bohoho di tswile lekoteng; ha ho momahano; mehopollo e kgathatsa matla, e a phetakwa. Moralo kapa mekgwaritso e a haella; moqoqo o bopilwe ka tsela e sa kgahliseng.
30	24 - 30	21 - 23	18 - 20	15 - 17	12 - 14	9 - 11	0 - 8
PUO, SETAELE LE TOKISO YA DIPHOSO	Kelohlolo e sedi ya matla a puo; puo (le ya bonono) le matshwao di sebediswa ka tsela e babatsehang; kgetho ya mantswa e a babatseha; setaele sehalo le rejisetara di loketse sehlooho. Moqoqo ha o na diphoso kaha o lekotswe botjha ho hlaola diphoso.	Kelohlolo e sedi ya matla a puo; puo le matshwao a puo di sebediswa ka nepo; o sebedisa puo ya bonono; kgetho ya mantswa ke e batsi, ya boiqapelo; setaele sehalo le rejisetara di loketse sehlooho. Moqoqo bohoho ha o na diphoso kaha o lekotswe botjha ho hlaola diphoso.	Ho na le bopaki ba kelohlolo e sedi ya puo; puo le matshwao a puo bohoho di nepahetse; mantswa a kgethilweng ke a loketseng tema; setaele sehalo le rejisetara di loketse sehlooho. Moqoqo bohoho ha o na diphoso kaha o lekotswe botjha ho hlaola diphoso.	O bontsha kelohlolo e itseng ya matla a puo; puo ya hae e bonolo. Matshwao a puo a lekane; kgetho ya mantswa ke e lekaneng; setaele, sehalo le rejisetara di tsamaelana le sehlooho. Moqoqo o ntse o na le diphoso tse mmalwa le ha o lekotswe botjha ho hlaola diphoso.	Kelohlolo e sedi ya puo e a haella; tshebediso ya puo e mahareng feela; matshwao a puo hangata ha a sebediswa ka nepo; kgetho ya mantswa a motheo feela; setaele, sehalo le rejisetara di hloka momahano. Moqoqo o na le diphoso tse ngatanyana le ha o lekotswe batjha ho hlaola diphoso.	Puo le tshebediso ya matshwao a puo di fosahetse; kgetho ya mantswa e a haella; setaele, sehalo le rejisetara ha di a nepahala. Moqoqo o ntse o tletse diphoso tse ngata, le ha o lekotswe botjha.	Puo le tshebediso ya matshwao a puo di fosahetse haholo; kgetho ya mantswa ha e a nepahala; setaele, sehalo le rejisetara di fosahetse kahohlehohle. Diphoso di ngatangata, le pherekano e kgolo le ha ho na le boitoko ba tekolobotjha.
15	12 - 15	10 - 11	9 - 10	7 - 8	6 - 7	4 - 5	1 - 2
SEBOPEHO DIRATSWAN A, SELELEKELA LE QETELO; BOLELELE	Diratswana di a babatseha, di hokahane, ka tsela e hlakileng ka dinako tsohle. Selelekela le qetelo di a babatseha haholo, di dumellana le mosebetsi. Bolelele bo nepahetse, ho latela ditlhoko tsa sehlooho.	Diratswana di ntle haholo, di hokahane, ka tsela e hlakileng bohoho ba nako. Selelekela le qetelo di ntle haholo, di dumellana le mosebetsi. Bolelele bo nepahetse.	Diratswana di bopilwe ka kgokahano ka tsela e kgotsofsang. Selelekela le qetelo di ntle, di a kgahlisa, di dumellana le mosebetsi. Bolelele bo nepahetse.	Diratswana di ntle, di hokahane ka tsela e utlwalang. Selelekela le qetelo di a kgotsofsatsa, ho latela ditlhoko tsa mosebetsi. Bolelele bo nepahetse.	Diratswana le dipolelo di na le diphoso, empa moelelo o ntse o le teng. Selelekela le qetelo di batla di kgotsofsatsa, ho latela mosebetsi. Bolelele bo batla bo nepahetse.	Diratswana le dipolelo tsa motheo feela. Selelekela le qetelo tse bonolo feela. O batla o le molelele/ mokgutshwane.	Mongolo o molokoloko (ha ho diratswana) kapa diratswana di haella haholo. Selelekela le qetelo di haella le ho fokola haholo. O molelele/mokgutshwan e haholo.
5	4 - 5	3	3	2	2	1	0 - 1

KAROLO YA A: MOQOQO**SENOTLOLO SA HO TSHWAYA**

Makgetha a tekanyetso	Matshwao	Senotlolo
Dikahare le Moralo	30	DM =
Puo, setaele le Tekolobotjha	15	PST =
Sebopeho	05	Seb. =
Matshwao ohle	50	

Ditaelo ho motshwai:

- Mohlahlobuwa o lokela ho ngola ka sehlooho se le SENG feela karolong e nngwe le e nngwe.
- Karolo e nngwe le e nngwe e na le ruburiki ya yona.
- Sebedisa diruburiki tseo o di fuweng ho tshwaya tema e nngwe le e nngwe.

Tataiso bakeng sa ho tshwaya ditema:

Batshwai ba etse tse latelang ha ba tshwaya:

Ho sehellwe lentswe kapa polelo e fosahetseng mola ho be ho bontshwe mofuta wa phoso ka thoko ka tshebediso ya matshwao a latelang:

- / bakeng sa ho arola mantswa a ngotsweng a kopantswe empa a lokela ho arolwa;
- -, + bakeng sa ho kopanya mantswa a arohantsweng empa a ngolwa a kopane;
- **mn** bakeng sa mongolo (orthography) o fosahetseng;
- **mp** bakeng sa mopeleto o fosahetseng;
- **mt** bakeng sa tshebediso ya matshwao a puo e fosahetseng kapa moo ho hlokehang letshwao la puo;
- **p** bakeng sa puo e sa sebediswang ka nepo kapa ka tshwanelo/tlwaelo;
- **^** bakeng sa lentswe kapa karolwana e siilweng dipakeng tsa mantswa a mang;
- // bakeng sa ho arola seratswana.

KAROLO YA B: RUBURIKI YA HO LEKANYETSA DITEMA TSA KGOKAHANO TSE TELELE.

Phihlello:	Kgato 7 Babatseha	Kgato 6 Kgabane	Kgato 5 Ntle	Kgato 4 Mahareng	Kgato 3 E Foofo	Kgato 2 E karolwana	Kgato 1 Ha ho phihlello
	80 – 100%	70 – 79%	60 – 69%	50 – 59%	40 – 49%	30 – 30%	0 – 29%
DIKAHARE, MORALO LE SEBOPEHO	<ul style="list-style-type: none"> - Tsebo e babatsehang ya ditlhokeho tsa tema; - Bongodi bo taolong, o tsepamisa maikutlo ka hohlehole, ha a kgelohle; - Dikahare le mehopolo di momahane ka ho pethahala, dintlha di hlalitswe ka botlalo, dintlhana di tshhehisa sehlooho; - Bopaki ba moralo le/kapa mekgwaritso di hlalitswe tema e bopehileng ka bokgabane, e bohehang; - O sebedisitse melao e amehang ya sebopeho hantle haholo. 	<ul style="list-style-type: none"> - O na le tsebo e ntle haholo ya ditlhokeho tsa tema; - Bongodi bo taolong, o tsepamisa maikutlo, ha a kgelohle; - Momahano ya dikahare le mehopolo di momahane, dintlha ka botlalo mme di tshhehisa sehlooho; - Bopaki ba moralo le/kapa mekgwaritso di hlalitswe tema e bopehileng ka bokgabane, e bohehang; - O sebedisitse melao e amehang ya sebopeho hantle haholo. 	<ul style="list-style-type: none"> - Tsebo e mahareng ya ditlhokeho tsa tema; - Ho ngola; o tsepamisa maikutlo, empa o kgeloha hanyenyane; - Dikahare le mehopolo boholo di momahane; dintlha di ngata mme boholo di tshhehisa sehlooho; - Bopaki ba moralo le/kapa mekgwaritso di hlalitswe tema e bopehileng ka bokgabane, e bohehang; - O sebedisitse melao e hlokehang ya sebopeho. 	<ul style="list-style-type: none"> - Tsebo e lekaneng ya ditlhokeho tsa tema; - Ho ngola: o batla a kgeloha, empa ha a rothofatse moelelo wa tema; - Momahano e lekaneng ya dikahare le mehopolo, dintlha tse itseng di tshhehisa sehlooho; - Bopaki ba moralo le/kapa mekgwaritso di hlalitswe tema e bohehang ho kgotsofatsang; - O sebedisitse melao e loketseng ya sebopeho ka kutlwisiso e lekaneng. 	<ul style="list-style-type: none"> - Tsebo e seng kae ya ditlhokeho tsa tema; Karabelo ya hae temeng e bontsha tsepamiso e ka haelang; - Ho ngola: o a kgeloha, moelelo ha o utlwahale nqa tse ding; - Momahano e mahareng ya dikahare le mehopolo, dintlha tse seng kae di tshhehisa sehlooho; - Bopaki ba moralo le/kapa mekgwaritso di hlalitswe tema e amohelehang ho mahareng feela; - O na le tsebo e mahareng ya melao ya sebopeho – o siile dintlha tsa bohlokwa. 	<ul style="list-style-type: none"> - Tsebo ya motheo feela ya ditlhokeho tsa tema. Karabelo ya hae temeng e bontsha kgaello ya ho tsepamisa maikutlo; - Ho ngola: o a kgeloha, moelelo ha o a hlaka nqeng tse ding; - Ha se ka nako tsohle dikahare le mehopolo di momahanang dintlha tse tshhehisa sehlooho di mmalwa feela; - Ha e a lekana bakeng sa PL le ha ho na le bopaki ba moralo le/kapa mekgwaritso; tema ha e bohehe; - O sebedisitse melao ya sebopeho ka bofokodi – o siile dintlha tsa bohlokwa. 	<ul style="list-style-type: none"> - Ha a na tsebo ya ditlhokeho tsa tema; Karabelo ya hae temeng e bontsha tsepamo ya maikutlo e fokolang; - Ho ngola: o tswa lekoteng haholo; moelelo ha o a hlaka nqa tse ngata; - Ha ho na momahano ya dikahare le mehopolo; dintlha tse tshhehisa sehlooho di mmalwa haholo; - Moralo le/kapa mekgwaritso di a fokola; nehelano ya tema e fokolang. - Ha a sebedisa melao e hlokehang ya sebopeho.
15	12 -15	10-11	9-10	7-8	6-7	4-5	0-3
PUO, SETAELE le TEKOLO BOTJHA	<ul style="list-style-type: none"> - Puo e nepahetse, tema e lohile ka tsela e babatsehang. - Tlotlontswe e loketse sepheo, mmadi le maemo ka phethahalo. - Setaele, sehalo le rejiisetara ke tse loketseng; - Tema boholo ha e na diphoso ka ha e lekotswe botjha ho di hlaola. - Bolelele bo nepahetse. 	<ul style="list-style-type: none"> - Tema e bopilwe hantle mme e nepahetse. - Tlotlontswe e loketse sepheo, mmadi le maemo. - Setaele, sehalo le rejiisetara di loketse ditlhokeho tsa tema. - Tema boholo ha e na diphoso ka ha e lekotswe botjha ho di hlaola; - Bolelele bo lekane. 	<ul style="list-style-type: none"> - Tema e bopilwe hantle mme e baleha ha bonolo. - Tlotlontswe e loketse sepheo, mmadi le maemo. - Setaele, sehalo le rejiisetara boholo di lokile; - Tema boholo ha e na diphoso ka ha e lekotswe botjha ho di hlaola. - Bolelele bo lekane. 	<ul style="list-style-type: none"> - Tema e bopilwe hantle ho lekaneng. Diphoso ha di sitise phallo ya mehopolo. - Tlotlontswe e lekane bakeng sa sepheo, mmadi le maemo. - Setaele, sehalo le rejiisetara di loketse ho lekaneng. - Ho na le diphoso tse mmalwa leha tema e lekotswe botjha ho di hlaola. - Bolelele bo batla bo nepahetse. 	<ul style="list-style-type: none"> - Tema e bopilwe ka tsela ya motheo feela; Diphoso di mmalwa. - Tlotlontswe e a haella mme ha e a lokela sepheo, mmadi le maemo. - Ho na le ho kgao-gaoha ha setaele, sehalo le rejiisetara. - Diphoso di mmalwa leha tema e lekotswe botjha ho di hlaola. - Bolelele: e telele/kgutshwane haholo. 	<ul style="list-style-type: none"> - Tema e bopehile ka bofokodi mme e thata ho baleha. - Tlotlontswe e hloka ho lokiswa mme ha e a lokela sepheo, mmadi le maemo. - Setaele, sehalo le rejiisetara ha di a nepahala. - Tema e tletse diphoso leha e lekotswe botjha ho di hlaola. - Bolelele – e telele/kgutshwane haholo. 	<ul style="list-style-type: none"> - Tema e fokola haholo mme e thata ho baleha. - Tlotlontswe e hloka ho lokiswa haholo mme ha e a lokela sepheo le babadi. - Setaele, sehalo le rejiisetara ha di tsamaelane le sehlooho. - Tema e tletse diphoso, e kopakopane leha e lekotswe botjha ho di hlaola. - Bolelele – e telele/kgutshwane haholo.
10	8-10	7	6	5	4	3	0-2

Ditaelo ho motshwai:

- Mohlahlobuwa o lokela ho ngola ka sehlooho se le SENG feela karolong ya A, ho karolo ya B ho kgethwe dihlooho tse PEDI.
- Karolo e nngwe le e nngwe e na le ruburiki ya yona.
- Sebedisa diruburiki tseo o di fuweng ho tshwaya tema e nngwe le e nngwe.

Tataiso bakeng sa ho tshwaya ditema:

Batshwai ba etse tse latelang ha ba tshwaya:

Ho sehellwe lentswe kapa polelo e fosahetseng mola ho be ho bontshwe mofuta wa phoso ka thoko ka tshebediso ya matshwao a latelang:

- / bakeng sa ho arola mantswa a ngotsweng a kopantswe empa a lokela ho arolwa;
- -, + bakeng sa ho kopanya mantswa a arohantsweng empa a ngolwa a kopane;
- **mn** bakeng sa mongolo (orthography) o fosahetseng;
- **mp** bakeng sa mopeleto o fosahetseng;
- **mt** bakeng sa tshebediso ya matshwao a puo e fosahetseng kapa moo ho hlokehang letshwao la puo;
- **p** bakeng sa puo e sa sebediswang ka nepo kapa ka tshwanelo/tlwaelo;
- **^** bakeng sa lentswe kapa karolwana e siilweng dipakeng tsa mantswa a mang;
- // bakeng sa ho arola seratswana.

KAROLO YA B: DITEMA TSA KGOKAHANO TSE TELELE**SENOTLOLO SA HO TSHWAYA:**

Makgetha a Tekanyetso	Matshwao	senotlolo
Dikahare, Moralo le Sebopeho	15	DMS =
Puo, Setaele le Tekolobotjha	10	PST =
Matshwao ohle	25	